

折

獄

新

語

折獄新語卷六 賊情

昭陽李清映碧甫著 山陰王思任季重甫訂

一件斬劫事

覆審得毛一之爲賊蓋三犯矣痛定覺甘故疾復發死而後已耳該縣初以絞擬未可日罪浮于法也今取原招問之則始盜于謝繼盜于鄔案若列肩惟張姓耕牛一盜猶未獲物舍之吾不忍其穀棘恐穿窬者未必頓發慈腸也年久花費一語一已自供雖肉去骨存想亦不肯自加標題以作今

日券案耳。該縣初擬絞，繼擬配，非曰牛何之而姑
爲游移也。查律有云：赦前一次赦後二次俱要奏
請定奪。一之初犯，曾以赦免，應在
請列。若二而一之，三而二之，姑置初赦于弗問，則從
輕改徒，亦以再犯論耳。倘爲一者，果誓發斷指而
悔，堅革心乎？君子不在梁上矣。

一件竊盜事

審得張千秋、陸全之，甘爲穿窬也。初詞內原供陸
文若與楊秉正爲同類，而何穿穴之黠鼠，忽化爲

離丘之遁狐也。心膽墮地矣。今秉正績到後。猶高
視闊步。口稱生員。不置。豈夫子之墻數仞。不得其
門而入。而遂以梁上爲捷徑乎。秉正真梁上君子
也。今提千秋等互質。其互相攻發。若合符節。乃所
置辨者。惟以贓物無存爲端耳。然簪纓世胄。衣冠
儒流。竟無人焉。爲發聊城一矢。豈非技工狗鼠原
不與。嘆魚殃而狐兔之悲。今遂泯泯乎。合擬徒示
懲。其毛應秋之以私頓贓物革也。則因妻受累。悔
不滅親。姚孫楷之以謬保陸恩革也。則自作之孽。

惜不求踈。然窩贓實不知情。輕保非卽同謀。所當以革免擬者也。若陸文若屢提不出。望光而遁。五技窮矣。則伊子生員陸燧。若不能無罪。竊負而逃。遵海濱而處可矣。若猶覩面青衿而欲以此爲若翁護身符。恐符亦終碎耳。合先擬杖示懲。如過三月不出。則有毛姚兩生之革例在。

覆審得姚孫楷之以保累。與毛應秋之以窩贓累也。咎繇自取。但孫楷所保者。非陸全。乃陸恩。而恩已屈首公庭矣。所保者未爲捷足之兔。而保者轉

作斷尾之雀衣巾一褫羽毛不鮮將得水無望失
翅堪憐矣若毛應秋之窩賊也實伊妻陸氏所爲
有陸氏以爲妻又有陸全以爲妻弟此今日禍胎
也但當窩賊時應秋實往維揚若徑從黜革是細
君之累及夫子也脫其簪珥謝罪公庭陸氏自應
俯首耳乃舉伊夫之衣巾而并褫之將無筭嫁禍
而冠代僵乎憲臺魚殃之批可起兩生于涸鱗矣
合各免黜退仍杖治之以爲見害不遠之戒

一件捕詐事

審得紹興衛軍舍方一，乃覆鼠質以虎皮者也。先
因生員虞光祚，屢罹穿窬，曾具呈捕官嚴比捕盜。
陳清而有所謂張敬山，則老于墻壁間，而凡爲羣
偷者，皆能望塵嗅氣而知之。于是明明口供，指方
一爲賊，時清亟物色其人，繫送捕官。貌峩冠博帶，
也人高視濶步也。且呼捕官爲老先生，稱己爲治
生，而拱揖呼叱者，意氣軒揚，旁若無人。此捕官所
以疑而縱之也。適鄞縣民王昌義，附搭舟，由划船
而一亦在焉。則口稱相公，而高中盛服，巍巍然踞

生于中艙內者也。及昌義以買飯歸而閱其慎袋，則割破矣。查其慎袋內銀二兩，與銀簪一枚，則烏有矣。時亟呼捕盜虞志等往緝其人，而向之船中方相公已擲巾解服，踉蹌驚走。于是取所遺行囊，稟捕官查閱，則有巾二頂，有簫一管，有衣物數事，而昌義故物杳然去矣。今捕獲後，猶嗷嗷飾辯，謂當日一竄，乃見陳清而避其兇鋒耳。夫捕官釋之，捕盜縛之，將奈何？况賊聲喧傳，當挺身自明，而氣喘膽喪，以相公作無賴子之狂奔何也？且展辯既

窮。乃以張瑞爲証。虞才爲保。而云曾有捕衙公結
之事。今瑞才安在乎。索其公結。又烏有先生也。及
提審至再。始有虞光祚至。蓋因一往見捕官時。舉
止輕狂。語言便捷。于是光祚以失銀故。疑而往詢。
且口譏焉。彼亦不知光祚爲誰。而但識其爲秀才
也。故曰。虞才噫亦巧而拙矣。方一貌衣冠而心穿
窬。昔人所謂梁上君子者。此殆真君子與。姑以軍
令免刺。竄之極遠。墩臺可如一以莫須有爲辭乎。
則當憲臺發保時。儘轉盼耳。乃已攫歇店之駢帽。

一頂而爲店主搜之袖中者何捷若猿猱也卽此
已爲如山之案矣

伴飭法事

審得鄴人張明真以山頭望廷尉而不入不休者
也始盜林川財繼攫陳福貨一刺再刺岌岌乎殆
哉勢將因臂而延頸矣何甫爲脫網之魚旋作集
塘之隼而又有丁虞一盜也今庭質之際不出一
語惟俛首請死而已好頭頸誰當絞之豈引鏡自
照已甘荼苦于如飴而始爲穴地之三見乎技能

穴地胆可包天按律擬絞允當厥辜至郭子光者
于何三錫一盜已經解提胡丁虞一竊復前車不
戒也蓬萊驛之擺站宜耳限未滿而逃逃未滿而
捉合仍發驛以爲鼠竊豕突之戒噫子光已再犯
矣幸戢其手足無以一頸爲張明續也

一件殲害事

審得積賊周于五乃手足兼捷者也當失主王耶
俊一盜已經擬徒瞭哨限滿之後可悔而易轍矣
無奈于五賊骨性成故膏肓之豎雖善巫祝者不

能祛而未幾，又有失主黃允志之竊矣。今衣物纍纍，已經主認，且獲而逃，逃而又獲，手能攫而足又善奔，別足之刑似當并于五之手，而兼用之也。依律擬配，已爲幸矣。然恐無縛足掣手法也。三犯者絞于五，其摩頸知懼乎？則福堂又不在囹圄而在驛矣。

一 件緝賊事

審得定海縣人陳柏，乃賊骨天成者。始攫周祿之財，繼攘陳宇鰲之物，一竊再竊，尚爲鼠技三弄而

鄧容陳治之魚膠，又入掌矣。向非張應科肩挑，袁
惟善目擊，則又不知上何人屋而鑽誰氏穴也。至
任有信非柏壻乎。何隨柏上盜者，幾以坦腹爲學
步。教孫升木梁上，一派從東床暗度矣。其如犴穴
之懸，以待柏何也。陳柏一而再，再而三，脏証旣明，
擬絞何辭。任有信仍嚴緝，另結妻其女而師其父，
今而後願擇壻者之轉而擇岳也。

一件憲誅事

審得孫三之與高貴十九同盜也，竊手旣工，墨臂

難免業爲入柳之鼠矣。所恨貴十九之止于誰屋者。不知作何狗偷而徙倚于月暗星稀下耳。若高貴九之非高貴十九年貌原不相符。獨恨當日命氏命名者。乃不幸與貴十九相連也。彼捕盜之戎連。豈真巧于連人。而何移枝接葉者。竟詣貴九家。謬行嚇詐。以捕鼠之猫。作搏鴨之狸。雖一鬻原未入口。而貴十九之與貴九一字之差。未爲相連也。彼孫三者。自與貴十九爲連。難耳。連願可連。其不連。而以貴九爲殃魚之嫁禍乎。一杖有餘憾焉。孫

三按律擬徒。高貴九仍押戎連速緝。以結憲案。

一件賊情事

審得賊犯張起球。乃偷兒中之怪鳥。而半癡半癩。如醉如戲者也。先因起球以炤磨衙書手。遇事革役。于是狂疾時發。而未幾忽以張六相公爲號。以張武陵爲媒。相與高視闊步。入妓銀女家。夫以村妓遇相公。方幸邀鳳。有緣繫馬。恐後而豈意有客宿宿者。乃不擁人而抱鼠也。迨寢至中夜。托言起溺。忽竊銀女紅衣一件以去。

將無錯認紅衣作紅綃而彼盜人此盜衣也時起
球踉蹌出戶披衣四顧忽聞有歌吹入耳演戲爲
樂者望之知爲包生員志鰲也于是鼠步紅裙之
家者又蛇行青衿之堂而中庭之坐褥一裙襖各
一皆席捲歸今被獲後猶迴翔公庭作謔浪狀而
忽曰憲令森嚴矣又忽曰自作孽不可活矣以舞
文之猾手作弄文之巧舌書手而賊也賊而書手
也一而已矣而所可怪者又認作童生請題求試
噫是賊也得無入包生家而攫其祭服者并盜其

彩筆而分秀才之緒。餘便成一童生。耶以此命題。無乃卽取彼之所謂自作孽不可活者。更益以賊夫人之子而起球。果言出爲文。下筆成章者。與亦必慣誦上梁文。而羞讀討賊露布者也。假相公而爲賊。又幻賊而爲童生。豈風流之餘。固多風魔哉。張起球竊盜情真。念贓物無幾。姑與勾引之張武陵。分別杖決。噫。武陵溪邊漁人自迷。無爲妓媒。無作賊黨。願武陵傾名而却步焉。可也。

一件憲斬事

審得鄭子鳳之爲賊也、兩臂俱黥而一心猶墨、今
無論其一而再、再而三、如蟻之攢肉、猩猩之迷酒、
者現有成案可據、卽今王惟能失盜一案、何又有
挑紅女襖一件、搜諸其懷也、豈此賊鼠技已窮而
扮男作女者、又翻紅拂之新粧、竊紅綃之艷飾、以
掩其面目乎、彼衣自紅若心已墨、惜也、其不湧而
爲白也、本宜以三犯擬絞、或以事在革前、炤縣擬
改遣、幸矣、雖然、彼地何辜、夫豺虎之爪牙、易避、狗
鼠之肺腸、難測、明于擊柝、以防弄丸、當爲彼地預

設○一○防○矣○日○有○慣○賊○鄭○子○鳳○在○

一○件○虎○啖○事

審○得○范○大○捷○者○范○汝○文○猶○子○也○先○因○汝○文○室○內○曾○
市○有○盆○梅○以○供○佳○玩○此○韻○事○耳○其○方○有○忽○失○豈○揚○
花○飛○去○落○何○處○乎○則○大○捷○所○竊○也○夫○孝○可○匿○橋○仙○
欲○偷○桃○且○有○翩翩○然○共○步○天○台○而○人○桃○源○以○竊○其○
雙○枝○者○亦○芙○蓉○脂○肉○也○大○捷○之○竊○梅○雖○私○而○近○韻○
矣○顧○貨○之○于○蘭○谿○人○徐○祥○無○乃○不○韻○而○俗○乎○且○竊○
而○賣○恐○其○為○不○祥○之○木○也○適○汝○文○是○經○伊○肆○而○概○

頭之盆梅嬌艷悅目者則伊家物耳惜哉梅乎芬
不點壽陽之額華不織廣平之毫何幸則與佳人
才子結伴而不幸則與偷兒作緣且于一梅外更
益以珍珠等物控之本府豈汝文又欲以梅爲媒
而瓜蔓無已也噫珠玉在側覺我形穢想賞雪魄
而愛冰魂者宜作是觀耳未可綴俗物于名卉而
以大捷爲偷以祥爲竈也汝文亦不韻人而俗物
矣無怪乎梅之辭俗而去也惟祥質置櫃頭似微
有韻意耳以韻招尤此虎啖之控所自來乎夫花

忌蝶殘實妒鳥啄是護梅說耳不幸而爲鼠偷又
不幸而爲虎啖將無祥之急于自護緩于護花也
標有梅傾筐繼之矣徐祥姑免深究其杖大捷而
罰汝文皆一株胎禍也恐是梅又有尤物之誚矣
一件飛詐事

審得金玉堂者鄞縣生員也雖金爲姓而玉爲名
然不聞堂有金玉惟見家有瓦耳楊捨身爲酒徒
而耽耽是瓦意欲何爲夫以裘換酒乃文人韻事
與佳人爲當爐之半醺耳未聞裘可瓦代也捨之

盜瓦一百換酒沈二店。豈有說乎。夫昔有生作酒人而灰。墓陶丘。求取爲酒壺者。想瓦從陶出。亦壺類也。故育胎于酒。還引氣于酒。而捨之持瓦以換者。原非無因。至前與且毀瓦以求食。宜不得食。捨之不毀而換。固宜得飲耳。若是乎從者之廢。未可遽責沈二以逆詐也。合免其深求。仍杖揚捨以儆。可。曰。以瓦換酒者。猶賢畢甕之白盜乎。其原瓦一百。仍從沈二。進出以給金。生想爲玉堂者。亦不貴金玉而賤瓦也。然則沈二酒銀。將付東流。而聽其

爲武媼之折券乎。夫其以酒與捨也。直云施捨可耳。願二瓢尾視之也。

一件人命事

審得馮選者府糧房書手也。先因選私宅內失魚穀等物。則母舅陳茂山實偷兒耳。問賊何所家住。渭陽而今之翩翩遠逝者。得無過渭陽而走南塘也。今據趙驛丞申文。則首人爲張本貴。然止追獲穀一石。糟魚一瓶耳。豈其食魚必河之魴。選旣茂山甥乎。何不早惠以一杯羹。而致令與谷俱竊。雖

有粟吾得而食。諸選之薄。有以致之矣。斯時也。謂
選宜撫心自反。而胡予茂山外。更益以已故劉洪
也。詢其故。則伊親胡大魁所供耳。而問大魁之語
安據。則茂山十歲兒所供耳。噫。此殆鴿鵒之能言。
止隨人口授而吐音。不解其義者也。選可以大男
子反效嬰兒言。而借捕盜王賀等。相率隕于洪家
乎。虎行而俚導難云。兒戲矣。今據于証口供。亦云
許銀無實。而所惡莫甚于死者。洪何遽服。滴自盡。
必有以傷其心。而觸其氣耳。且瑣瑣姻婭。實爲狗

鼠先鋒魚穀誰盜乃殃池魚耶馮選合以威逼杖
仍斷埋葬十二兩以給洪妻陳氏至氏所云寃命
則云死于捆縛夫殺人以挺與刃不聞以繩也其
出首胡大魁亦茂山梁上佳伴耳且旣云茂山約
伊共盜又云賊穀現窩伊所聚各蟲于益盎彼此
自相爲并亦大魁切喻也合的決示懲陳茂山炤
提

一件急救事

審得賊風之日下也。至盜糞彌下矣。夫昔有以五。

斗米賊稱者乃米變而糞五斗又變而甘石則如
李生員呈及許升宇而指其盜糞暮夜者是也。今
據解官審文則謂升宇同盜王應龍又以病染傷
寒不能赴審。夫是糞之名黃龍湯也。可愈斯疾。故
先嘗者曾一吸而盡。豈升宇已知應龍之有斯疾
而預儲以待與。然何至多。多益善。以甘石盜將虞
其吸之而盡耶。如惡惡臭。胡升宇性與人殊。苟子
之。不。欲。雖。賞。之。不。竊。李生獨不宜誦斯語而自遠
與。今既以蓄積農本言有欲心矣。天明王賤金玉

而貴粟者。今生員亦賤金玉而貴糞乎。凶年糞其
出而不足。則必取盈焉。二吾猶不足。何李生以二
十石爲多。而有此嘔嘔也。且昏夜叩人之門戶。求
水火。無弗與者。今知糞之爲物珍于水火。夫不聞
以盜水盜火訟。茲胡以盜糞訟也。抑彼求而此竊。
道不同與。尤可咲者。旣賃周子雲之舟以載糞。而
不買而偷。是爲何心。麥舟載而捐以行德。糞舟載
而竊以行穢。汎彼柏舟在彼中河。亦兩舟所遇之
幸不幸也。合斷周子雲領回。仍將許升宇杖決以

做今而後。甘石糞賊。可與五斗米賊並傳。

一件斬賍事

審得周起龍之竊謝家梓銀也。不過謂篋中一書。恩踰骨肉。故疑耳。夫家梓以羈旅孤飄。挾貲而藏。若是乎從者之廢也。予將有戒心。若以風雨故人。忽作明月偷渡。亦意想所不到也。且起龍舌若懸。河口類含節。故兩好依々。如影追軀。而寧知其竊。鉤有手。以疾鳥入。猾虜之籠。初情如是耳。至起龍之攫金歸也。初猶云家梓浮綠酌。迷青樓。吾好友。

也。恐黃金終盡，不忍作陌路人耳。然道遙家園已歷多時，久假不歸，非曰迷其邦而懷其寶者也。向無捕盜一吏，將卷而懷之乎？起龍恨哉！乃所尤可笑者，則家梓耳。彼皮箱衣物等項，起龍不知以梁上君子盜自誰家。此物奚宜至哉！則人皆掩鼻而過之。胡家梓取非其有，謬息失寸而得尺，嗟乎！無乃乞其餘不足，是誠何心哉！猶禦也。周起龍應以竊擬徒，謝豕梓應杖治。若兩人一紙好書，所云言不繇衷也。今而後家梓又當作絕交書矣。

折獄新語卷七 錢糧

昭陽李清映碧甫著 山陰王思任李重甫

一件倉庫事

審得庫吏全一章、乃蠹類鑽穴而穢、廁入厠者也、當職署篆點庫時、其有冊無金者、已及二千二百零、非飛同化、蚨何之乎、今每一詰問、則蠖屈鼠伏、哀容動人、而試問當日之以公帑爲私藏者、何旣爲斗大之潑膽、又爲墮地之小腸也、除已完銀兩外、目下未完者、惟二百耳、今茲未能以待來年是

不可爲一章寬也。合立限三月，盡數完官，如遷延不納，惟有引例擬軍，以爲侵帑戒耳。一章如惕然於荷戈，而思爲鬼薪之輕罪乎，則當于三月內問之。

覆審得全一章之侵盜庫金也。原云三月不完，卽從重擬戍，攬金之手變而荷戈一章去此一問耳。今未及三月，而鬻房賣妾，已及全數，噫！故園之楊柳依然，已他人入室，且苦莫苦于生別離，而閨中稚齒忽作辭巢之燕，侶情景亦太慘淒矣。然則法

之。不。可。犯。也。如。是。乎。而。聞。一。章。事。者。未。有。不。嚙。指。
縮。舌。相。戒。夫。前。車。之。宜。鑒。者。也。合。矧。前。招。擬。徒。以。
正。厥。辜。

一。件。婪。弁。事

審。得。李。全。斌。李。攀。龍。皆。定。海。衛。弁。也。先。因。攀。龍。與。
全。斌。以。他。事。不。協。開。單。控。憲。然。半。皆。烏。有。先。生。也。
其。實。者。不。過。十。之。一。二。耳。茲。提。干。証。諸。人。一。再。詢。
之。則。動。曰。常。例。夫。白。日。公。庭。唱。言。有。賊。非。堂。上。之。
身。衣。冠。而。心。市。井。者。乎。全。斌。之。取。之。于。人。也。猶。察。

也。非例也。若舉所爲例者，一矯而清之，將遂謂之破例，與甚至管班之楊二王壽等，恣意蠶漁，而全斌竟驕于護之，置若罔聞，隨線索以默轉，傳粉墨而登場，以憤憤如全斌者，而立軍人上，恐其大專糊塗也。至于千戶李攀龍，亦旣挺身發全斌短矣。今取全斌反唇相稽者，逐款細詰，則非盡無是公也。望嫫母以掩唇而不知其自處，無益之陋談，盜跖而切齒而不知其原，非伯夷之廉，以斯人遇全斌，正堪引爲佳伴，其結魯衛兄弟之好，今奈何語語。

罵人聲聲自詈耶。且朦朧付帖之鄭之珍亦楊二
等。雁行耳。孰辨涇渭。孰分苗莠。想全斌攀龍當相
視而笑。莫逆于心矣。合各罰穀示懲。

一件蠹飽事

審得百戶張鳳翔乃攫貨則多多益善而借題則
轉轉生枝者也。今據夏三思單款內固有半屬莫
須有者。然米可預借。油燭可多派。上司差役夫馬
可聚斂。而鳳翔言及備節辨甚力。謂首請存各軍
之作。備樂助有諸人之好義于我何與。噫。此其說

非不近似。試問伊父母兄弟之死于各軍曷與而
每名三斗之扣。且以一百三十兩助噫。鳳翔豈家
無立錐。翹首麥舟之捐。贊者乎。親死而風木悼。兄
喪而鵠鷄感。乃鳳翔值此三變而盈筭。黃白忽憑
空入其掌握。恐當日之悲。悲喜相半也。尤可笑
者。以廣積二倉爲外庫。而大使焦守德亦聽其那
移。不敢發聲。曰奉府帖故耳。吏書一紙奉若神明。
何本官胆若鼷鼠也。張鳳翔應罰穀示懲。悼而入
者亦悼而出。曰戒之在得耳。今解審之際。屢以病

請真乎贗乎望憲臺之嚴威則知懼聞憲臺之永
清則知愧愧懼交集足縮縮如有循或者有悔心
乎姑免

件考選事

審得王運泰解應浙之擅接錢倉所印也何以措
隊有以錢糧爲奇貨而刑印不與者矣刑印者變
而擅印又一奇也豈運泰弄印于奉而熟視應浙
者亦謂無以易應乎疑戲疑真幾弁髦憲批矣
且憲臺之批書也原以五日五日爲期六日不詹

已無解後至之誅延至十二月歲聿其暮矣若指
揮朱胤龍之擅借軍糧也且以六年之近借十年
之遠也糾糾者不似吳之虎營營者有類魏之狗
而名曰胤龍何名實不稱且以行同盜泉之酌者
而交口推轂反若蔽可採而羹欲埋是東贖皆可
換面也本當撤底窮究但胤龍新奉憲批許其自
新其顧名思義而不至化龍爲鼠也將倉蠹自此
漸清矣合與王運泰解應浙均罰以儆

件懇請事

審得鄧希禹、別有春、皆昌國衛百戶、而周全馬輔、皆本衛糧房書手也、先因希禹有春、兩人曾領屯糧銀百三十兩、解司投納、此非屯價未足、扣之軍糧者乎、何歎亡羊于岐路者、且指爲招招舟子罪也、夫以兩弁挾七件、則一舟子者、安能撮出其銀、問今夜偷兒安在、卽此綈冠博帶之二弁、而以攫之私囊者、爲虎其皮、而鼠其質之行徑耳、茲一扣再扣、果何名乎、蓋因司催甚嚴、故兩弁與全輔合謀、且納賄焉、于是司戶家犬輒垂涎片骨之投、

而○有○口○弗○吠○有○尾○善○搖○全○輔○不○攔○路○而○引○道○職○此○
故○也○飄○泊○之○舟○中○無○賊○鍼○鏑○之○庫○內○有○賊○兩○承○行○
下○庫○一○帖○其○勾○賊○之○媒○矣○此○百○三○十○兩○幾○作○化○妖○
去○也○合○于○鄧○別○兩○弁○周○馬○兩○書○各○下○平○半○追○出○仍○
分○別○徒○罰○若○猶○刑○印○不○吐○托○言○覓○賊○乎○彼○兩○弁○外○
呼○二○書○內○應○何○不○穴○壁○而○入○掌○也○必○欲○覓○賊○請○卽○
以○此○四○人○當○之○

一件蠹侵事

審得周芝彬莊日嚴皆布政司承差也先因奉邑

篆虛議以鄞縣丞尹樂道代時苦難此委者皆
足縮縮如有循惟本官毅然請行勇同叱馭至問
何以治奉則曰至誠動物耳夫至誠而不動物者
未之有也然奉邑安有豚魚卽此好譎萬狀而其
面爲人其性爲豚魚者恐非至誠所能動耳于是
未動物先爲物動矣適芝彬等二人以奉催錢糧
往其視迂謹署官有慢策之蒲鞭無疾應之檄章
而高睨濶步以意氣凌其吏書者有之于是奸書
阮汝用等旣故作削骨剗肌之多痛刁民沈君治

輩又巧作呼天捨地之如傷甚至描寫司差如隼擊虎啖狀此至誠動物之署篆官輒自附于不逆詐不億不信而既申本司又申三院也抑亦先覺者是賢乎樂道殊愧此一語矣合將主盟之阮汝用與附聲之沈君治呂國治分別徒杖然則爲署印官者終當若何曰奉化之梗化久矣動以誠亦厲以威迅雷一震百蟄俱起無徒曰兒啼霹靂而煦煦焉日作慈母之護驕乎也周芝彬等奉牌有因括贓非實一毛不拔乃云八百則汝用等之挾

復心而教烏語也合免究

件權斂事

審得此一○案也○初○讀○奉○化○縣○原○申○則○以○包○攬○代○比○
為○生○員○余○試○奇○與○舊○吏○余○起○龍○罪○而○分○別○罰○懲○耳○
及○該○縣○解○到○逐○名○唱○批○則○所○謂○余○仁○者○不○鬚○眉○而○
進○乃○粉○黛○而○前○男○變○女○乎○異○哉○夫○婦○女○中○聞○亦○有○
生○鬚○數○十○莖○者○倘○以○此○婦○飾○男○想○誰○知○烏○之○雌○雄○
耳○今○無○此○異○相○而○女○代○男○解○何○也○問○為○誰○則○仁○母○
耳○有○子○代○父○死○者○不○聞○母○代○子○解○將○倒○行○而○逆○施○

之與。迨比解差。提承行仁。始爲出穴之鼠。而獨怪
余廿六者。何又效尤鼠竄也。旣不能滅鬚爲婦。作
余仁母狀。恐彼欲代無計。此亦欲逃無門耳。則攬
納爲誰。且旣攬納。而又捏呈以肆欺罔者。爲誰。其
爲仁之主謀。廿六之合謀也。雖虬鬚猶男。而長舌
如婦。亦無以自解矣。若試奇起龍輩。亦心知其事。
而有逢迎。無阻撓耳。乃所可恨者。試奇又匿名遠
張。控之憲臺。夫仁旣易頭面。而爲女子。試奇又易
姓名。而爲他人。豈以試奇名者。固多奇也。且舉保

家之孫君政原差之劉化而織入詞內彼所云派
費斂賍者于証爲誰手書安據將無幻一烏有先
生又幻一無是公者亦與幻男爲女同其閃忽而
愈出愈奇乎余仁捏呈于先又潛踪于後合以誣
告擬徒若余廿六則連雞耳合與以羊易牛之解
差周良一併杖做余試奇余起龍合各加罰以戒
朋比

折獄新語卷八

失誤

昭陽李清映碧甫著 山陰王思任季重甫訂

一件大夥事

審得張之斗者，革職議罪之總兵也。當昌石六月之敗，損兵燬後，遂罹禡革。然論者猶爲之斗惜。蓋因之斗抵任以來，汰冗役，却常例，其于武臣不怕死之義，未知何居。而以文臣不愛錢律之，則反擅美于此節也。今橫腰之黃金，雖去在握之尺劍，猶存爲之斗者。獨不宜以垂翅爲奮翼與。卽不然，亦

謹烽埃。申約束。期爲亡羊之補牢已耳。奈何一經
革任後。其氣悻悻如日將暮。而王應斗周乃武等。
亦木偶視。此所以避者避。死者死。而線索不提于
傀儡也。至忿忿認賊作子之乃武。而極口詬詈。則
斯言過。夫乃武輕躁取敗。雖不足贖過。然捐七尺
于波浪。而馬革雖存。已有無尸可裹之痛矣。此論
者雖罪其輕。亦哀其死。而不能不爲株守之之斗
尤也。所難制者。則如狼如鷹。剛愎寡算之粗弁耳。
所難鼓者。則如鼠如鴛。噉啃不前之懦將耳。且所

難測者。則又如鬼如蜮。出沒未定之遊賊耳。夫之
斗處此。亦極難矣。官去而下玩。數奇而寇至。敗繇
人招。過自我受。所當按律擬杖者也。

覆審得張之斗削職後。奄奄蛟川。幾作病婦弱息
狀。不過謂官罷矣。且作去國一身輕似葉耳。夫古
不有白木從軍。收功海外者乎。若如之斗所爲。是
失之東隅者。無容收之桑榆。而不列大樹將軍之
名于雲臺也。果揮戈之雄心已墮乎。抑扣囊之餘
奇已竭乎。苟犯吾法。惟有劓耳。抑解組者之掣足。

不行而縛翼難飛乎。况衆賊一至將殞兵殘，合紹
例擬軍以正其罪。夫之斗雖非能將，實稱廉將。今
者之擬無乃法浮于罪乎。則亦懲一儆百之舉。而
俾得當以報者。人人自厲于殺封可也。

一件無援事

審得台州松門衛副千戶潘煥，乃原管昌關南哨
總者也。先因五年六月間有賊舟三百餘隻，突犯
昌關。夫呼聲震地，一以當百。此節制之兵耳。非可
語于積弛餘也。然獨不日勝則凱歌，敗則輿尸乎。

耿國昌一死。雖與張許遊于地下。吾無愧矣。何煥與哨總黃洪烈。且隨主將聯轡入也。今據煥口供。則謂昌國一死。賊勢愈熾。于是城內軍民。皆疾聲呼號曰。將軍救我。若猶豫不進。則此兩將者。皆作無定河邊骨。而無人城誰與守。噫。斯言是也。第問煥等入城。果染血漬衣。而以矢盡弓折歸乎。抑食多不知口。而以棄甲曳兵竄乎。惟煥自知之。獨念符震主將也。長子之旗鼓已折。而顧使麾下爲背水戰。則勢所不能。夫一將功成萬骨枯。昔人以爲

深○歎○今○兩○人○保○其○頭○顱○闔○城○免○于○鋒○鏑○將○功○雖○墮○
然○萬○骨○全○矣○城○存○與○存○或○可○爲○煥○稍○開○一○面○者○此○
耳○合○杖○黃○洪○烈○屢○提○不○獲○合○請○嚴○提○以○便○結○案○

覆○審○得○黃○洪○烈○與○潘○煥○勝○則○同○功○一○體○人○敗○亦○同○
罪○一○體○人○矣○今○煥○已○受○罪○胡○洪○烈○猶○以○私○家○爲○遁○
逃○藪○此○鼠○之○入○廁○鼯○之○鑽○穴○而○未○可○目○鳥○自○高○飛○
羅○當○奈○何○也○夫○當○此○罷○鼓○息○烟○之○際○而○戰○、○兢○、○
猶○不○敢○晝○現○况○乎○赤○白○交○馳○而○欲○以○戰○不○旋○踵○者○
奮○請○纓○而○矢○裹○革○亦○云○難○矣○爾○輩○弗○言○海○賊○使○我○

心○膽○墮○地○想○洪○烈○至○今○有○餘○悸○焉○不○然○者○主○將○之
符○震○遣○同○事○之○潘○煥○罰○洪○烈○雖○出○何○遽○狼○籍○都○市○
而○怯○怯○藏○頭○何○也○今○伊○子○承○觀○已○到○然○竄○而○再○獲○
宛○然○阿○翁○家○風○至○詰○以○洪○烈○安○在○則○云○逃○亦○云○死○
茫○無○定○論○噫○逃○固○其○熟○技○也○如○此○而○死○謬○不○烈○烈○
轟○、○做○一○場○耳○合○無○炤○潘○煥○例○擬○杖○如○以○爲○法○不
可○縱○乞○轉○詳○撫○臺○批○嘉○興○府○嚴○緝○否○則○雖○鞭○之○長○
不○及○馬○腹○洪○烈○且○有○望○鞭○影○而○先○竄○者○矣○

一件提究事

審得孫敏惠與已故王文政皆汛守大嵩所哨官而沈昌胤則千戶也先因昌胤職司守整而忽見有揚帆以犯橫山者則馳騎入報于時敏惠文政咸仗劍捶馬誓以身先今據昌胤所供敏惠實帥兵八十餘人文政實帥兵七十餘人比翼而行及行至中途昌胤遂率所統間道乘墩則見敏惠駐足塘上文政立馬山脚相去數武耳未幾我兵賊兵互相紛拏而忽望烟焰迷目中有墮地殞者則乘馬中統之文政也斯時也設令昌胤乘高下擊

而敏惠亦意氣自如。率各兵尾擊其後。當使賊無
噍類。卽不然。亦烈烈轟轟。與文政相見。泉下耳。何
寂然無聞也。欲定敏惠等之罪。當問文政獨死狀。
而就中微有可原。則冰陸異宜。而使船如。使馬者。
固非捷足能追也。當文政被難時。賊卽呼風而去。
敏惠等雖捷若猿猱。安所施其技勇。且令文政一
死。卽踉蹌遁歸。恐賊之乘勝氣溢者。未免屍已泥。
而兵皆血也。何文政猶裹革歸。各兵皆全軀返乎。
今者細叅此中光景。想比揚兵出城時。氣少餒耳。

而非畏賊如虎。以大嵩所爲狼奔豕突之窩者也。
合杖。

一件天警事

審得諸二之死于羣兇也。旣將兇首之謝小儒議
抵矣。若徐繼龍被害。則因二已死。而諸謝兩姓。猶
操戈以雄鉅鹿之戰。時旁觀諸人。有望虎爭以辟
易已耳。何爲繼龍者。獨有子龍。一身都是膽之意。
而闖入解圍。有人于此。越人關弓而射之。則已談
笑而道之。繼龍遇兩家鬪。宜作是觀。今豺狼方角。

可以羽儀清弱之脊。鷓犯其爪牙而急難于不兄。不弟間乎腸熱而情痴。其被傷死也不僅虜中吾指矣。然欲問下手爲誰。則謝諸兩姓均有責焉。我識君耳。拳棍不識。若執一人以償。未聞兩陣紛拏。殺傷山積。而授首者能遍稽操刀之人也。則此事切喻矣。彼繼龍子徐鳳將請以諸償乎。抑請以謝償乎。諸人之議和。非得已也。合允其所請。仍將爲首之諸益水謝斗各杖以儆。噫。彼救人自害之繼龍亦曾遺語子鳳而慘然于我。弗爲惡之說否也。

可○爲○此○案○長○嘆○

折獄新語卷九 重犯

昭陽李清映碧甫著 山陰王思任季重甫訂

一件出巡事

覆審得具成璧之雕印騙銀也。止以空頭白紙。出自伊父。而欲假死父以脫生子耳。善乎陳知府之言曰。空紙用印。必字在印上。今驗係墨上殊。而成璧何以自解。善乎黃推官之言曰。昌國所印文。斜曲而疎。既紋畫不符。其爲黃蠟所刻明甚。而成璧又何以自解。以數字之雕鏤。而百三十金之攫。有

同掃葉。其從空虛入者。幾欲盜空空兒妙手。而用之。而一搏不中。能爲乘風之遠逝否也。今嚴鞫之餘。旣堅不肯刻。而所云以筆描者。又將參錯其文。以爲異日展轉地。夫刻以決疑。不疑何刻。此詰以府廳兩招詞。而其手則長。其舌則短者也。按律擬斬。何說之辭。嗟乎。手之作孽也。嫁禍于頸。成璧其有悔心乎。內手而如寒者。知不緣袖短矣。

一件二命事

審得僧傳化乃繼就師。而繼就又道奎師也。今讀

鄞縣招內有傳化傾費法產訟而成仇等語夫爲人祖父者當作管立門戶計耳傾費何爲且還俗後猶身作辭巢之燕心效分房之蜂此繼就道奎等視爲寺中之田蝨園螯而張羅待也烏自高飛羅當奈何胡傳化又携侄任大耀入山討租而遂爲繼就等羅中鳥矣今同黨之陸士爵遁首禍之道奎死于是傭人任大雲楊文槐遂思爲繼就解網地而曰是皆道奎所爲茲再四詰責則謂始而殺繼而焚繼就皆不與而問繼就安在云在寺誦

經耳。然則當日首狀內所云道奎繼就二人打殺僧伴而又云喚雲等扛屍火化者何不推繼就于局外而與道奎爲連雞之列亦俛首無辭矣。夫道奎既不爲庾公之釋孺子而繼就何遽爲逢蒙之殺羿。若果殺者聽殺誦者自誦恐心同虺蝎口念彌陀將低眉之菩薩亦轉而弩目矣。道奎已伏天誅姑免追論繼就仍炤原擬若爲繼就者猶嗷嗷飾辨而曰已燼之骨難別真僞他逝之人未卜生死乎則請以數語折之曰傳化太耀出則繼就爲

寺○中○僧○傳○化○大○耀○無○則○繼○就○終○爲○獄○中○囚○而○已○矣○
一○件○人○命○事

審○得○畢○時○選○之○死○於○丘○二○鮑○二○也○非○受○籠○一○葉○之○
蕩○漾○而○被○圈○一○卮○之○流○連○乎○夫○是○三○人○者○初○不○過○
萍○水○相○逢○耳○曷○遽○同○舟○濟○豈○時○選○朱○提○盈○筭○早○來○
兩○凶○瞰○誘○而○出○虫○狔○獮○且○晏○然○蛇○之○握○而○蛟○之○枕○
乎○今○據○胡○見○陽○許○知○日○口○供○則○是○日○中○其○同○載○而○
先○登○者○三○十○餘○輩○彼○二○與○已○故○鮑○二○胡○戀○戀○於○送○
往○事○居○之○飄○舟○而○與○時○選○有○客○宿○宿○耶○同○舟○而○酌○

以斗酒非旨其口也是斷送之觴也佐飲而飲以
隻雞非果其腹也是待烹之媒也噫時選舟中盡
敵國矣第不識此惜惜者曷爲濡滯於永夜復忙
促於雞鳴也時胡見陽等臥鮑二瑛不云我兩人
送時選行你替我炤管乎見陽等亟披衣掩窗則
月朗星稀時也髣髴間猶見時選挈囊先行而二
等比肩尾後噫若輩所覩者止此而已携跨鶴之
纏走亡羊之徑二等之目睨手麾此後又不知作
何光景而時選一命已絕于吠斷鳴寥之兵馬司

前矣。今鮑二已登鬼籙，故丘二巧爲卸罪，謂勒頸者鮑袖手者伊耳。且當日繫圍之際，亦有鮑二你害我之語，斯言也。其丘二一綫生機乎。然錦囊授而白鏹入，豈無利而爲之也。本應以謀財致命律，與鮑二駢斬。姑以贓亡擬絞，幸哉。至所分各贓，兩年內如火之銷膏，止有縲頸以謝泉下人，必欲求其贓以實之，則鑿矣。

一件海盜事

審得洪五、朱少華、朱敬洲等，皆同類也。夫五等揚

三 舸海上捕魚爲生。固曰業在其中耳。若謂泛彼中流者。將以客舟爲奇貨。而預作鷺窺獺祭之盼盼也。恐五等未必有此宿謀也。獨是捕魚不獲。偶屬數奇。誰曰籊籊竹竿。不可再下乎。顧以已舟爲釣。以客舟爲魚。而忽垂涎于王海之鯨銀彈船何也。今據海口。供則有彈船二隻。行至龍山海面。而忽遇五等舟。逼猶謂同道相逢耳。乃始眈眈目睨。繼恟恟手動。于是飛石攻擊。幾碎客筏于洪波。而未幾刀斧齊舉。閃耀鏗鏘。海輩心膽幾墮地矣。時鼠

伏舟中而五與少華等遂一躍而上傷其羽翼搜其衣銀掠其魚鮫濤洗浪捲鬢鬣之毒未易罟獲矣不意海等之呼號聲急者忽入哨官王元耳也時元防守蟹濠亟率捕盜諸人乘風破浪而飽則颺去之五等俱弭耳就縛蓋持竿素工操戈暫試故一見官船如攫肉之鼠遇猫則戰而轉盼間忽爲在網鱸鯢耳今詢被獲何所則云定海關夫茫茫大洋指漁爲賊捕盜之啓釁邀功慣在驚濤怒浪內若云舟已泊關安能一手障羣目而忽索鮫

忽誣賊以防川之難者防口也。合與同行之朱少華、朱敬洲等俱炤原擬。其敬洲子朱郎亦同舟也。騰之人生子夜半取火視之。惟恐其似已也。敬洲殆惟恐其不似已者耳。然駒齒雖壯虎攫無實。况原招內有在船燒火一語乎。殺其父而生其子曰罪人不孥。

一件盜殺事

審得王明宇與陳恩慶孫六等之聚劫。雖無贓無証。而其情實非莫須有也。當許春元撞遇明宇而

詰伊弟春魁下落明宇卽挺身應云不從我爲盜
斧斫落水身死蓋明謂殺人者當爲人所殺更迭
爲之亦復何傷然若輩狗鼠耳原非等茶苦于葢
甘而有視死如歸之俠氣者故一轉念間而求生
之軟腸心變硬口矣夫始之挺身直認原未嘗刑
之而求其必供也則今之巧言力辯亦不必刑之
而求其再供也且自若瀾之翻案已如山之定則
取諸初供足矣明宇之斬何說之辭至陳恩慶孫
六等皆明宇之翼虎而飛者雖脏無實據則六人

之駢頸就戮未必不惻然于湯網之祝然一入其
黨卽犯死脉矣依律駢斬允當厥辜

審得王明宇之擬辟案已如山矣况入獄後猶將
同宗諸人或告經歷衙或告捕官侵漁無已今伊
族劉經等一詞可備閱也夫入柙之虎其氣索矣
猶張牙噬人况可縱之蕃籠外耶恐羽毛清弱者
一遇善搏之鷹鷂而鳥雀幾無遺種矣按律擬斬
何說之辭若陳恩慶孫六等皆與明宇挺身自認
而瀾翻其舌者也夫鬼物之舍寃自愆或自畫形

見○或○昏○夜○寓○夢○然○非○炤○遇○燃○犀○則○怨○家○有○抵○死○不○
承○耳○未○有○白○日○公○庭○自○供○自○訴○者○有○鬼○物○焉○若○自○
其○口○出○謂○非○春○魁○一○靈○所○使○乎○合○仍○炤○原○擬○

一件人命事

審得陳金助者、陳春元悍奴、而王玉補盜、李雲鄒
寧捕伴也、茲閱鄞縣原招、則今日之禍、乃起于陳
春元被盜失財耳、願何追緝無獲、而招招舟子反
爲梁上君子代禍也、今問周玄何以死、則以船戶
勒船價、遂來金助之忿忿耳、夫主人之囊蓄已掃

而○蒼○頭○之○腰○纏○豈○溢○玄○之○乘○夜○要○挾○志○欲○取○盈○譬○
若○虎○攫○之○餘○又○來○雀○啄○焉○此○金○助○所○爲○以○怒○盜○者○
移○怒○船○戶○而○唾○晉○木○已○繼○以○毆○擊○也○彼○爲○王○者○何○
不○分○手○而○佐○手○且○率○同○伴○李○雲○輩○以○四○敵○一○其○何○
以○支○玄○之○死○死○于○羣○毆○耳○乃○問○下○手○獨○重○者○誰○則○
金○助○也○噫○足○絆○人○命○心○懈○盜○情○矣○此○固○諸○盜○所○禱○
祀○而○求○以○爲○緩○兵○解○圍○計○而○獨○怪○金○助○者○何○愛○盜○
而○不○愛○舟○子○又○何○不○愛○舟○子○而○并○不○自○愛○也○簡○傷○
既○明○擬○絞○允○當○則○手○之○嫁○禍○于○頸○耳○雖○有○舌○如○簧○

能自解乎。若王玉助毆人耳。倘與金助同論。是以
二人償一命矣。合與同伴之李雲、鄒寧、俱炤原擬。
今而後始知金助之未可輕助也。

一件火劫事

審得強犯袁龍壽之報。然胡明壇也。實無怨可報
也。夫以明壇之身。當里逆。則當此狗鼠橫行時。而
同差協拿。蓋不仇龍壽而仇賊也。自反可耳。何尤
人乎。胡邀李廷槐數十輩。劫掠明壇家。而若子若
女若媳。皆斃毒手也。淒風苦雨之下。想血污三魂。

有團聚成羣鳴鳴索命者矣。龍壽之暫寬人殺而不先逢鬼殺者幸也。况放火燒房凶焰逼人。彼將以是報怨明壇乎。不知阿奴火攻已出下策矣。今之搏頰求哀。冀出行穴。彼固欲遠鬼而親人也。亦知有數鬼者日睥睨其旁而男成文也。媳江氏也。女三姐也。其咽悲風而啼烏夜者。肯使一凶爲出。柙之嬉而三冤爲繞。園之泣乎。合與同惡之李廷槐。各炤原擬。若袁軒之同行也。旣作難連難辭。牛後。姑以分贖助殺。兩不相及。則從輕擬配。是磔凶。

豺而縱狡兔之說也。亦曰吾以存吾仁焉云耳。
一件殺父事

審得韓夢日之殺父文良，蓋以凶暴挾癡癩而死。其父于暮夜之石杵者也。聞前令已繫囚，圖欲斬此禍根，而文良愛同禽犢，復宛轉求解，豈非宿世冤業乎？本廳署篆之夜，夢一僧無狀，責之七板，立斃杖下。今首審者卽此事，而本犯固一髡頭僧也。時心惡其人，盡掣筒中之簽以撻之，而其數以六十五不及七者五耳。噫，殺父古今奇變，而形之夢。

寐。豈非咄咄怪事乎。茲夢日業以杖斃。雖不及肆
諸市朝。以洩弑父之忿。而旣日癡癡。終與凶暴稍
別。或亦父子宿冤。而天故稍寬。其臬鏡之誅。未可
知也。書之以存案。

一件謀命事

審得已死金大理。與擬斬程君仲。皆徽州同里人
也。先因大理身挾多貲。逶迤寧波。于是君仲見而
心動。曰。是奇貨可居。然將何計以攫其黃白也。大
理有疾。大理好色。其以紅紫爲釣魚餌乎。心計定。

矣。此君仲所以日誘大理于妓館，而相與促膝也。腰纏白銀，而日迷朱粉。大理床頭，其有促刀人與。則君仲耳。于是從寧波往定海，則誘宿妓素卿家。繼又從定海返桃花渡，則誘宿妓唐九家。夫素卿猶行雲，唐九則重霧矣。有客宿宿，但憐粉香，誰怪血臭危哉。大理之爲君仲愚也，衽金革耳。迨此以辨色行，彼以連袂往，將無鴆鳥有毒，不教鸚鵡留人乎。此大理一命，所以斷送君仲手，而索索多金，盡供捲洗也。今問臥屍何地，則靈橋門外之窩舖。

行凶何物、則懷中之鈎刀耳、花柳一夢、臨刀方醒、
方醒而又長夢矣、噫、彼簾外樓頭、追歡買笑者、其
藏鈎于香玉叢中、而伏刀于烟月隊裏乎、若知窩
舖有鈎刀、枕席亦有鈎刀也、則大理去生而赴死、
久矣、至吳文齋、戴南則、初供之、駢指而吳伯成、則
繼供之、蛇足耳、將無公庭之鐵案、猶懸冥司之爰
書已確者、或先証鈎刀一案于泉下、而問誰挑担、
問誰翼戈、其卽君仲、侄國光者、是乎、念旣經物故、
姑免追論、合將圖財謀命之程君仲、炤律擬斬、若

以謀無証據，嗶嗶一斬乎，則衣被駢帽，押取典舖者，何皆爲大理故物。而所云三十二兩之贖身猪羊，賽願之私許，又誰爲唐九耳語，而供吐如畫也。殺人，以手與口，有以異乎。豈此婦之齒有鈎，而舌有刀，與則亦君仲之自予以鈎，自授以刀而已。

一件劫漏事

審得強犯姚君甫、虞三、顧僧陳必達、段一者，皆攫爲豹而連若雞者也。始劫朱陞，再劫曾志聖，三劫楊仁管、學懋，夫業非絲戶，鑄無橫爐，而銀衣纍纍。

從何飛墜。除已獲各賊外，餘半歸羽化矣。今庭質時，諸失主皆以追贓未盡爲言。惟志聖則江右人。且風水先生也。途行千里，囊無一錢，將飄零異鄉者。徒切魚雁之騷于旅感，而故園桃柳何日相親。宜其喃喃哀訴，以拷盜起贓請也。夫他盜猶可耳。志聖相地，君甫相而雖曰道不同，不相爲謀。然豈至妬若巫匠乎？何恣行捲洗，相士偏與堪輿爲難。而志聖之能爲人卜土穴者，乃不能爲已護金穴也。且鑿面知其將刑，相人亦須自相而忽上劫場。

忽投湯池。君甫何自相偏拙與若虞三陳必達之
以瓜葛互連而顧僧段一之以于囑相和也亦既
俛首無辭矣。合各按律擬斬。至續攀孫正陽方瀛
洲則另有說。蓋因數年前曾有一飄流艾婦願作
依人之飛鳥。正陽欲納爲義女。而君甫欲納爲妾。
乃以此嬾別抱琵琶而媒代紅葉者瀛洲也。故君
甫追恨其事而以赤繩之別館爲赤憤之巧牽耳。
鹿與鬪籠以昭憲思其所得各贓已如火之銷膏。
若吹求無已則如君甫之新攀一無辜而臨審時

又薰猶殊途者是也。嗟哉！小民寧堪嫁禍。若欲追
賊是緣木求魚之說耳。想志聖之未聞子規而亟
返故鄉也。當不再計而決矣。且無使朝朝江口望
者。日以金釵當卜錢。而與客子之朱提俱盡也。其
未獲張少徽。與見逃孫大張大理。合嚴緝。若猶窺
伺雲水間。而爲風水先生前途之梗也。將奈何。